

Ի նկատի առնելով, որ պրօֆ. Մառի կազմած ցուցակը արդէն բաւական մանրամասն է՝ ես աւելորդ համարեցի կրկին կազմել:

Ձեռագրներից ամենահինը մի աւետարան է՝ հաւանականօրէն Ժ. դարից:

ՎԱՆՔԻ ԿԱՂՈՒԱԾՆԵՐԸ

Սկանայ վանքը այժմ ունի հետեւեալ կալուածները.

ա. Յամաքարերդ և Գոմաձոր գիւղերը, իրենց հողերով, որ հասնում է 2273 դեսիատին և 140 ք. սաժէնի, Աշոտ թագաւորի նուիրած վեց գիւղերից մնացել են միայն այս երկու գիւղը: Սրանից տարեկան եկամուտը առնուազը 1000 ր. աւելի է:

Մի թերակղզի, Ելենովկա և Օրդակու գիւղերի միջև. շահագործւում է իբր խոտատեղի և ձկնորսատեղի. կապարով է տրւում տարեկան 4—500 ռուբլիով:

Երևանում 2 տուն և չորս այգի:

Թիֆլիսում 5 խանութ և մի այգի:

Չանգի դեռի վրայ 3 ջրաղաց, որոնցից մինը նոր-ձեռի, երկաթէ:

Նոր-Բայազետում 2 ջրաղաց և այլն:

Այս կալուածները տարեկան տալիս են 5—6000 ր. եկամուտ:

Բացի սրացներից վանքը ունի 5000 ր. արքունի գանձարանում և մի կտակագիր՝ հետեւեալ բովանդակութեամբ. 1890 թուին Թիֆլիսեցի Աղէքսանդր Թայրեանը իւր հօր՝ Սկանում ճգնութեան ընդունուած Ղազար վարդապետի յիշատակին 3,500 ռուբլի դրամ գրեց արքունի գանձարանում, որ 30 տարի շահեցնելուց յետ, այն է 1920 թուին այդ գումարով Սկանայ վանքում ուսումնարան բացուի ¹⁾:

¹⁾ Հրամանագիր Երևանի կոնսիստորիայի 1890 թ. № 2889.